

COISTE GAELGE NA hOLLSCOILE

TÉARMAÍ TAGARTHA

BUNREACHT:

Tá Coiste Gaeilge na hOllscoile á bhunú mar bhuan-chomhchoiste den Údarás Rialaithe agus den Chomhairle Acadúil ag an dá chomhlacht reachtúil. Déanfaidh an Coiste maoirseacht ar na beartais agus ar na nósanna imeachta atá i bhfeidhm chun an Ghaeilge a chur chun cinn ar an gcampas. Tá an Ollscoil tiomanta do chaomhnú, do chur chun cinn agus d'úsáid na Gaeilge i ngach gné de shaol na hOllscoile, a mhéid is féidir é. Chun tacú leis an aidhm sin, tá comhchoiste den Údarás Rialaithe agus den Chomhairle Acadúil bunaithe ag an Ollscoil chun úsáid na Gaeilge a chur chun cinn. Beidh téarma oifige an Choiste ar aon dul le téarma oifige an Údaráis Rialaithe. De bharr thiomantas na hOllscoile, beidh baill den Údarás Rialaithe, den Chomhairle Acadúil agus Feidhmeannaigh de chuid na hOllscoile ar an gComhchoiste sin.

BALLRAÍOCHT:

Is iad seo a leanas a bheidh ina mbaill den Choiste:

- An tUachtarán (ex-officio) nó a ainmní/a hainmní (déanfaidh an tUachtarán nó a ainmní/a hainmní cathaoirleacht ar an gCoiste);
- Ollamh na Nua-Ghaeilge (nó a ainmní/a hainmní);
- beirt bhall ceaptha ag an Údarás Rialaithe (nach féidir gur duine atá mar bhall ex-officio den Choiste nó atá ceaptha le bheith ina bhall/ina ball den Choiste faoi chatagóir ar bith eile de bhallraíocht an Choiste ceachtar den bheirt sin), ar chóir do dhuine amháin ar a laghad acu a bheith inmheánach san Ollscoil.
- beirt bhall den Chomhairle Acadúil (nach féidir gur duine atá mar bhall ex-officio den Choiste nó atá ceaptha le bheith ina bhall/ina ball den Choiste faoi chatagóir ar bith eile de bhallraíocht an Choiste ceachtar den bheirt sin), arna gceapadh ag an gComhairle Acadúil;
- ar a laghad duine amháin agus gan níos mó ná beirt d'fhoireann na hOllscoile (ní féidir gur duine atá mar bhall ex-officio den Choiste nó atá ceaptha le bheith ina bhall/ina ball den Choiste faoi chatagóir ar bith eile de bhallraíocht an Choiste ceachtar den bheirt sin), arna gceapadh ag Uachtarán na hOllscoile;
- Oifigeach na Gaeilge;
- Stiúrthóir/ Lárionad na Gaeilge (nó a ainmní/a hainmní);
- Uachtarán Aontas na Mac Léinn in Ollscoil Mhá Nuad (nó a ainmní/a hainmní);
- mac léinn amháin sa bhreis arna cheapadh ag Uachtarán Aontas na Mac Léinn in Ollscoil Mhá Nuad
- mac léinn amháin arna ainmniú ag Uachtarán na hOllscoile; agus
- suas le triúr arna gcomhthoghadh ag an gCoiste áit a gcreideann an Coiste gur gá sin a dhéanamh chun na scileanna atá riachtanach i measc na mball a chomhlánú le gur féidir leis an gCoiste a chuid oibre a chur i gcrích.

Má chomhthoghan an Coiste aon bhall ní mór é sin a chur in iúl don Údarás Rialaithe agus don Chomhairle Acadúil go pras. Beidh ceapacháin chuig an gCoiste, ina n-íomláine agus laistigh de gach catagóir den bhallraíocht, treoraithe ag an aidhm a bhaineann le cothromaíocht inscne a bhaint amach a mhéid agus is féidir sin a dhéanamh.

MINICÍOCHT NA gCRUINNITHE

Tiocfaidh an Coiste le chéile ar a laghad ceithre huaire in aghaidh na bliana, ar a laghad uair sa ráithe de ghnáth.

FREASTAL AR CHRUINNITHE:

Freastalóidh Oifigeach na Gaeilge ar chruinnithe an Choiste chun miontuairiscí na gcrúinnithe a ullmhú agus tuarascáil bhliantúil a ullmhú d'Fheidhmeannacht na hOllscoile, an tÚdarás Rialaithe agus an Chomhairle Acadúil. Sa chás nach féidir le hOifigeach na Gaeilge freastal ar chruinniú, déanfaidh an Cathaoirleach socruithe malartacha maidir le hullmhú na miontuairiscí. Is féidir cuireadh a thabhairt do shaineolaithe neamhspleácha seachtracha freastal ar chruinniú iomlán den Choiste nó ar chuid de ar cuireadh ón gCoiste. D'fhéadfadh sé go n-iarrfaí ar bhaill foirne eile de chuid na hOllscoile freastal ar chruinnithe iomlána den Choiste nó ar chuid de na cruinnithe sin ar iarratas ón gCoiste.

SAINORDÚ AGUS TÉARMAÍ TAGARTHA

Déanfaidh an Coiste an méid seo a leanas:

1. úsáid na Gaeilge a chur chun cinn ar fud na hOllscoile;
2. tacú leis an Ollscoil ina cuid iarrachtaí an teanga a chur chun;
3. comhairle a chur ar an Ollscoil maidir lena straitéis i leith chur chun cinn na Gaeilge agus a Scéim Teanga agus
4. athbhreithniú a dhéanamh ar dhul chun cinn na Gaeilge laistigh den Ollscoil, agus tuarascáil bhliantúil a chur ar fáil don Údarás Rialaithe agus don Chomhairle Acadúil.

D'fhéadfadh an Coiste grúpaí oibre i gcomhair topaicí sonraithe a bhunú chun cabhrú leis a chuid oibre a chur i gcrích. Féadfaidh grúpa oibre mionlach ball a bheith air nach bhfuil ina mbaill den Choiste. Ceapfaidh an Coiste baill ar aon ghrúpa oibre a bhunaíonn sé.

BALLRAÍOCHTA 2022 - 2023:

An Dr Niamh Ní Shiadhail – *Cathaoirleach*

An Dr Brian Mac Maghnuis – *Rúnaí*

An tOllamh Seán Ó Riain

An tOllamh Fionntán de Brún

An Dr Liam Mac Amhlaigh

Aisling Ní Bheacháin (*Lárionad na Gaeilge*)

An tOllamh Stephen Buckley (Le ceapadh ag an gComhairle Acadúil)

An Dr Ryan Molloy (Le ceapadh ag an gComhairle Acadúil)

Saoirse de Paor (Leabharlann - comhthofa ag Coiste Gaeilge na hOllscoile)

Niall Daly – (Uachtarán Aontas na Mac Léinn)

Alex Balfe (arna ainmniú ag Uachtarán Aontas na Mac Léinn)

Le deimhniú (mac léinn arna ainmniú ag Uachtarán na hOllscoile)